

SCRIPT OF MORNING GOJRI NEWS BULLETIN 15SEP 1015 HRS

ما رنینگ گو جری نیو ز بلیٹن مو رخہ 15 ستمبر 2025

یوہ آکا شوانی جموں ہے عبدالرحمان تیں خبر سُنو۔

LG CARGO SERVICE

لیفٹیننٹ گورنر منوج س نہا نے اج جموں کشمیر غ پہلی مشترکہ پارسل اشیاء ریپڈ کارگو سروس ریل گڈی نانہ سرینگر ریلوے سٹیشن تیں ہری چنڈی دس غے روانہ کیویاہ نویں سروس وسط کشمیر غا بڈ گام مانہ آدرش نگر دلی سنگ جوڑے یو اہم قدم ریاست غی معشیت غا انضمام مانہ ایک سنگ میل ہے جس سنگ کارگو ریل گڈیں تیز محفوظ تے کہٹ خرچہ نقل و حمل فراہم کریں گی اس س ننگ کشمیر غو مشہور سیب تے دوجا پھل بروقت دہلی تے ملک غا دوجا حصاں غی منڈیا توڑی بہترین حالت مانہ پُچ سکیں گا جس سنگ تجارت تے کساناں غی آمدنی مانہ اضافو وے گو ذراعت غا وزیر جاوید ڈار وی اس موقعور اُت موجود تھا۔

ARMS & AMO RECOVERED

پولیس غا انسپکٹر جنرل جموں بہیم سین ٹوٹی نے اتار نانہ کہیو ہے جے حفاظتی دستاں نے پونچھ مانہ بڑی کامیابی حاصل کی ہے جے 3 دہشت گرد ہمدرداں نانہ گرفتار کیو گیو ہے تے 7 اے کے رائفل سمیت پہاری مقدار مانہ اسلھو بارود برآمد کیو گیو ہے سماجی ذرائع ابلاغ ایکس ور ایک پوسٹ مانہ آئی جی پی جموں نے اس نانہ شاندار تفتیش قرار دیتا واں جموں کشمیر پولیس غیٹیم غی تعریف کی تے کہیو ہے اُنہاں غی انتھک محنت سنگ یاہ کامیابی ملی پوسٹ مانہ کہیو گیو ہے جے پُخت عزم تے مسلسل کوششاں غا نتیجہ مانہ ترے دہشت گردی کا ہمدرد گرفتار ہوا ہیں 7 اے کے رائفل برآمد ہوئیں جن وچوں 4 پہلاں برآمد ہوئیں تھیں تے پاری مقدار مانہ جنگی سامان برآمد کیو گیو ہے۔

SATISH JAMMU

ٹرانسپورٹ غا وزیر ستیش شرما نے کل جموں ضلع گا سیلاب زدہ علاقاں ساوراں کھڑہ بلہ بھٹل دھکھڑ تے جوگوان غو دورو کیو تانجے نقصانات غو جائیزو لیو جاسکے تے ضروری سامان غی ترسیل نانہ یقینی بناسکیں لوکاں سنگ گل بات کرتا واں اُنہاں نے ان مشکل وقت مانہ مکمل سرکاری تعاون غی یقین دہانی کرائی وزیر موصوف نے عہدیداراں نانہ ہدایت دتی جے فوری طور ور راشن رسوئی گیس تے روز مرہ غی اشیاء خصوصاً حساس تے نشستے علاقاں مانہ فراہم کی جیں۔ وزیر موصوف نے بروقت امدادی تقسیم ور زور دتو تے محکماں غے بشکار مربوط کوششاں غی اپیل کی اُنہاں نے بُنیادی ٹہانچہ تے دور دراز علاقاں مانہ ذخیرہ اندوزی غی سہولیات نانہ مضبوط کرن ور وی زور دتو تانجے آئندہ سیلاب تے رابطاں مانہ روکاوٹاں سنگ پیدا ہون آلی مشکلات نانہ کہٹ کیو جاسکے۔

INDIA PAK MATCH

بھارت نے دوہئی مانہ کل شام ایشیاء کپ گروپ اے میچ مانہ پاکستان نانہ 7 وکٹاں سنگ شکست دتی ہے تے اپنی باقابل شکست فتوحات غا سلسلہ مانہ برقرار رکھتا وان سپر چار مرحلہ غے قریب پُچ گیو ہے پاکستان نے پہلاں بلے بازی کرتا وان 19 عشاریہ 3 اورز مانہ صرف 126 دوڑاں ور اپنی انگز مکمل کرلی تے بھارت نے یوہ ہدف باآسانی حاصل کرلیو جس مانہ ابھیشیک شرما نے صرف 13 گینداں ور 31 دوڑاں غی برق رفتار انگز کھیڈی تے کپتان سوریا کمار یادو نے 47 دوڑ ناٹ اوٹ غو اسکور کیو میچ غے بعد سوریا کمار یادو نے یاه فتح بھارتی افواج تے پہلگام دہشت گرد حملہ گا متاثرین غے ناں کی جموں کشمیر مانہ اس جیت ور جشن منایو گیو تے عوام نے شاندار کامیابی نانہ سہرايو۔

YUDHVIR INDIA (A) TEAM

جموں کشمیر غا باصلاحیت تیز گیند باز یدھیرویر سنگھ چاڑک نانہ نیشنل سلیکٹر نے بھارت اے ٹیم مانہ آسٹریلہ غے خلاف ترے ایک روزہ میچاں غی سیریز واسطے مُنتخب کرلیو ہے جھڑی کہ 30 ستمبر 2025 تیں شروع وے گی بھارتیہ کرکٹ کنٹرول بورڈ بی سی سی آئی نے کل انڈیا اے اسکارڈز غو اعلان کیو جھڑی اس مہینہ غا آخر مانہ کانپور مانہ آسٹریلیا غے خلاف ترے ایک روزہ میچ کھڈیں گا واضع رہ جے بدھویر نے رانجی ٹرافی مانہ شاندار باولنگ کرتا وان 7 میچاں مانہ 26 ویکٹ حاصل کیں۔ جد کہ سید مشتاق علی ٹرافی مانہ گزشتہ سیزن 9 ویکٹ وی حاصل کیں۔

SEWA PARV

سوا تے ستاسن غا منتر غی رہنمائی مانہ وزیر اعظم نریندر مودی غی قیادت مانہ حکومت نے تبدیلی تے ترقی لیاں واسطے انتھک محنت کی ہے اج اس حکومتی سلسلہ سوا پرو مانہ ہم تم نانہ دس رہیا ہیں جے مودت حکومت نے مہارہ ماحول تے حیایت طی تنوع نانہ کس طرح مثبت مانہ بدلیو ہے اہم اقدامات تے جس طرح کہ پروجیکٹ بھارت ہون دنیا غی سب تیں شر غی آبادی 891 اہتیاں تیزاں غو مسکن ہے ایک پیڑ ماں گے ناں مہم غے تھٹ 142 کروڑ تیں زیادہ درخت لایا گیا ہیں۔

PROG ANN

آکاش وانی جموں گوخبراں آلوشعبو، اک خاص مباحثہ پروگرام نشرن آلوہے جس گی مدت 25 منٹ وے گی۔ پروگرام گو موضوع ہے ”مٹی تیں کامیابی توڑی“ کساناں تے کھیتی گی ترقی۔ یوہ خصوصی پروگرام۔ ”سیوا پر بہ 2025“ گی تقریبات گا سلسلہ مانہ 15 ستمبر 2025 نانہ تیہاڑی 12 بجے نشرکیو جے گو۔ اس پروگرام مانہ مہارہ مہمان وین گا پروفیسر وکاس شرما جھڑسکاسٹ جموں مانہ سوائل سائنس ڈویژن گا سربراہ ہیں وے اپنا تجربات تے ماہرانہ مشورہ مہارہ سنگ سانجہ کریں گے۔ اس پروگرام گی میزبانی کریں گا مہارہ اینکرو جے بجات تے ابھی لاشا شرما سامعین اس پروگرام نانہ میڈیم ویو 303 میٹریعی 990 کلہرٹز تے ایف ایم 100 عشاریہ 3 میگاہرٹز ورسن سکیں۔

HIGHWAY

جموں سرینگر قومی شاہراہ ور اج تیں لوہکی گڈیاں غی جموں جان غی طرف مانہ آمدرفت کھول دتی گئی ہے تاہم کسے وی گڈی نانہ جموں تیں سرینگر جان غی اجازت

نہیں وے گی انتظامیہ نے مسافراں نانہ ہدایت دتی ہے جے وے اپنو سفر منصوبہ
بندی سنگ کریں یک طرفہ ٹریفک نظام نافز کیو گيو ہے تانجے شاہراہ ور آمد رفت
ہموار تے محفوظ وے۔
